

Weekly

ABC  
CertifiedTALAR  
Quetta

شوکار: عبدالرزاق ابابکی

بہا: دہ (10) روپے

ہفتی  
کوٹہ  
تالار

Volume: 17

email: talarpub@gmail.com

081-2827825: فیکس

081-2827824: فون: 8

پتہ خاک: 2020ء 25-19 No.36



اللہ تعالیٰ نا زیبا غا پنک

القہار جل جلالہ

کل عتینا دوئی ہلک آ

اللہ ناپین تیان اسہ پن اس "القہار جل جلالہ" ارے۔ دا غیر عربی ء لوز اس اف، کہ دانامعنه قہر، ظلم مرے، بلکن دا عربی ء لوز اسے، دانا معنہ ء غلبہ والا ذات کہ کل آ غالب مرے۔ و ایلو فک اونا مومن اٹ مغلوب مرے۔

حضرت مولانا مفتی محمد تقی فرمائیک کہ اللہ پاک ناپین تیان سچ ء دن ء پن اس اف کہ او عذاب نا معنہ ایسے۔ بلکن "القہار جل جلالہ" ہمو ذات ء کہ مخلوق اونا موکل آن بیدس سچ کنگ کپ، و اوامروا ہے ہندن کے، اللہ تعالیٰ نا پنک اونا رحمت نامعنہ ء ایترہ، یا ربوبیت و قدرت نا یا خالقیت و مالکیت و رازقیت نامعنہ ء ایترہ۔ تو معلوم مس کہ اونا اصل سفت رحم انا ء، کہ تینا مخلوق آ رحیم و کریم ء۔ البتہ ہراوخت کہ بندغ گناہ کرساہد آن گدرینگ، گڑا اونا پارہ خان دا بندغ آ غضب شیف مریک، و اونا غضب ہم برحق ء۔

دا اسم مبارک نا بارواٹ علماء کرام آک منہ سفت بیان کریو:

1- القہار جل جلالہ ہمو ذات ء کہ دنیا نا ہر ہر گڑا اونا غلبہ و قدرت نا ماتحت مرے۔

2- القہار جل جلالہ ہمو عظمت، جلال والا ہستی ء کہ اونا مومن آ سچ آ مخلوق بے طاقت و عاجز مرے۔

3- امام ابن کثیر "وہو القاہر فوق عبادہ" سورۃ انعام نا آیت نا تفسیراٹ نوشتہ کیک کہ "اللہ پاک ہمو دے کہ تینا مخلوق آ غالب ء، کل انا کافک اونا مومن آ شیف مریرہ، بھلا بھلا ظالم، جاہر آک ہم اونا تابعدار ء۔

از ابن الحسن ابابکی

گوچی متنگ اٹی ء۔ بس اگہ بندغ پہہ مس کہ ہرا گڑا ہرا جاگہ غا دکانداری متنگ اٹی ء۔ ہر بندغ ایلو ء آخ جوڑ کنگ کن تینے لانچانے۔ مجال ء کہ ناہڑ و جبال آک ایسر مریر۔ مجال ء کہ ہر درآ پیشانی ء جتنگ نا آہری گری ختم مرے۔ مجال ء بندغ بندغ

نامرے۔ ہرا تم سیر مست آ بندغ تینا باخواس ایلو ء و وادار مہف، او ہم لنگری سے ناگوچی متنگ کیک۔ داڑے ہر بندغ تینے مر چلک، تینا جان ء کشک۔ ویل و جبال اسے نامر کنگ کن ایلو نا درگہ ء نشان ایٹک۔ تینے سفا جتنگ کن ایلو نا جوان انگ عمل ء

عیدار کیک۔ یا گڑا "وٹو نا و انگڑ" آ تینا ہراسٹ دوشا عتنگ نا کوشت ء کیک۔ لغوشت آ خیال و لغوشت آ بندغ آ تیان کس خیر خنانے، نئے خیر ختنگ۔ و نئے لغوشت آ خیال و بندغ آک تینا مریرہ۔ بس علم و جوان انگ علم، راست ء پاش کروک آ علم بندغ کن فیض انا

سوب مریرہ۔ ہندن کہ پین انا پیسہ و منصب ایلو نامفہ۔ ہندن پین انا علم ء ہتنگ اٹ بندغ ء سچ اس دو بنگ۔ ہر ہنوک آ، ختوک آ، علم و ہیبت بندغ نا تینا عمل و علم انا پتنگ ء ملنگ زند ء پیسہ متنگ بندغ آتے درست کنگ جوان ء کراسے آ ہتنگ منزل آ سر متنگ نا

سوب جوڑ مریک۔ بندغ غاٹ و غنجل متنگ آن بچک۔

کرینے۔ تاکہ دروشم اسے آ میک اپ لچوک ء دروشم زبیا ء۔ شیف کہ مس او بندغ نا کرچ و داغ آک پاش مریرہ۔ ہیبت و خیال آتا میک اپ ہمو تم شیف مریک ہرا تم ہنوک و ختوک آ بندغ علم اٹ اونا نثار ء

پرفک۔ منہ بندغ اس دن ء مرور ہرا کچاری سے آن بش مریر کار، ہمو ہیبت آک خلیر یا کتاب آتے ٹی ہمو سرحال ء خوانر، حقیقت آن معلومدار مریر۔ اینو پگہ بے سدھ و بے علم آ

بندغ آتے سوشل میڈیا چریا جوڑ کرینے۔ اسے نا جوڑی اسے آ ہڑدے اسے پوسکن ء ڈاکٹر، حکیم اس پوسکن ء درمان اس پاک، ہندن کہ ہر بندغ نا ویل انا سوب جتا ء، ہندن اسے پن انا نادرانی نا سوب آک ہم جتا مریرہ۔

داخہ سیاخرا انگ بندغ آتا نیام اٹی، داخہ حکیم و ڈاکٹر آتا متنگ آن گڈ ہم نئے بندغ نا ویل آک چٹنگ اٹی ء، و نئے نادرانیک کنگ اٹی ء۔ دانا مطلب دادے کہ بندغ نا بیٹی ٹی خلنگ انگ اٹی ء۔ نا بیٹی ٹی آتی تا

## گپ و تران

### وٹو نا و انگڑ

..... و حیدرز ہیر



سلیپ۔ بس تینا غرز و بروک آ ویل ء مرکننگ کن ہڑدے پیش ء باوہ جوڑ کنگ آتار زندگد ریلک۔ زنددن انگ بندغ آتا وخت اس ہم مفک۔ ہرا علم بخار، ویل انا سوب ء ہم پیسہ مرور۔ ویل انا عمر آن ہم معلومدار مرور۔ صبر و سگ اٹی ہم بسن مرور۔ خاص وڑ اٹ اینو نا ورناتینٹ خوانپک، ہرکس تون توس انت اس کہ بنگ ہمو ہیبت ء مستی دوسا کیک۔ نئے او ہیبت ء کروک آتا مسخت ء پیسہ مریک، نئے اونا است انا غلش ء۔ نئے اونا نیت آن واجب مریک۔ بس دن چان دروشم نا میک اپ داسہ ہیبت و خیال آتے ٹی ہم جاگہ

ہراڑے علم انا کیوتی مرے، اوڑے بندوی آگڑا اک غاٹد مریرہ۔ بندغ تینا ہیبت آتے ٹی غنجل کیک۔ سہب تے اسہ ہیبت اسے آچنگ، شام تے واپین ہیبت اسے آ ایسر مریک۔ اسل ہندن دن کہ بندغ اس ویل انا گوچی مرے تو او دے تینے آیت مفک، گڑا ویل انا کفتنگ کن سہب اتون اسٹ نا درگہ غاسلوک مریک، بیگہ تون ایلو بندغ نا۔ ہراڑتون وخت اس سلام دعا کتنے، اوڑا ہم کا بک۔ ہراڑاٹ بد بریک تے خن تے ناپا اودے ہم

است انا حوال ء ایٹک، ہندن ہرا سیاسی پارٹی نامرے ہرا نظریہ نا بندغ اس مرے تینا کاریم کن کل ء گیرام کیک۔ دا بیرہ علم انا کیوتی ء۔ ہرا بندغ ء خود غرض جوڑ کیک۔ داٹی بیرہ لس بندغ مفک، داٹی کماش آک ہم مریرہ۔ او راجی مریر یا سیاسی یا منصب داری سے نا خواجہ مریر۔ او فتنے دن انگ بندغ آتا آتی آن فاندہ ہرفنگ ناچم آک بریرہ۔ دن انگ تے "وٹو نا و انگڑ" پارہ۔ ہرا اسہ جاگہ غا

## ایلو پنہ غاتیا

2 میکوپنہ

براہوئی زبان نا نوشت نا تاریخ (11)  
(محمد حنیف قلاتی)

نوشتا تک: فیڈل کاسٹرو (5)  
(ڈاکٹر شاہ محمد مری اجیلانی الفت)

3 میکوپنہ

نوشتا تک: زندان نا ڈائری (9)  
(ڈاکٹر سلیم کرد)

ورنا گل: نیکینا لوجی نا فاندہ و نشان آک (واحد قسم)

4 میکوپنہ

شونگال: ادب نا پڑ آسوج آتا کسراٹ اڑنگ سیرت سرور کائنات: منظوم (13)

(حاجی شاہ بیگ شیدا)

براہوئی ادبی حوال: نعت انا سفر (عبدالقیوم بیدار)

5 میکوپنہ

افسانہ: رنگ ریز

(سید غریب شاہ انجم)

افسانہ: ہجر انا زباد

(عبدالرحیم زام)

6 میکوپنہ

نوشتا تک: حیات بلوچ نا واقعہ، میڈیا نا کڑد (ملک عیسیٰ خان رند)

ورنا گل: اول تینا زچک

(جعفر قمبرانی)

7 میکوپنہ

حوال: دے تک ادبی دیوان نا مشاعرہ (بہاول نسیم ہنگوئی)

خرین آہیبت آک: وخت انا پابندی (ڈاکٹر سعید تبسم)

8 میکوپنہ

نوشتا تک: عمران فریق نا سوال آتا جواب (شاہین بارانزئی)

All about #Brahui

براہوئی نا بارواٹ، براہوئی ٹی

تالار



talarbrahui.com



talar\_brahui



تالار



talarpub@gmail.com

## پٹ و پول براہوئی زبان ناتاریخ

11

نیازی تاشرف:-

پوسکن آراج اٹی دعویٰ بھارت متنگ اٹی ء کہ نیازی تاتاق آتے نرینہ غاک بربرہ متنگ اٹی افس، دیکھی تہذیب ناہنداسوج آتاؤس افس آک داڑے ہم متنگ اٹی ء کہ نیازی نرینہ غاتاے ء، چار دیوالی تاقیدی ء، وخت

.....مجر حنیف قلاتی

بلوچ راج انا براہوئی پاروک آخ اٹی ہم نیازی تاتاق آک منہ گڑاغان بیدس اسلامی پرمان آن خوک خٹنگرہ۔ اسلام نیازی ء بھلو قدر و عزت اس لیتک، تو ننا راج اٹی ہم نیازی نا بھلو قدر و شرف اس ارے۔ آگہ خونی ء جنگ اسے نیازی برے نیام تے تو

برورے۔ دانانگ و ناموس نارکھ نمازی آ مروء، دانازی آچ ء وڑ اسے ناظم، شغان، بیان و بچ ء گڑ اسے ناگھی کپر ورے، دانیاڑی ء تینا لہم باوہ، دوست عزیز آتا اور دہی آن تو پرورے۔ اے خاندان ہم دانیاڑی ء تینا ننگ و ناموس و عزت تنگ، اونا ہر وڑ انا



خیالمداری نازمواری ء ہر فلک۔ آگہ تپہ اس دا شرت آتا بر خلاف ہنا توفیصلہ کروک آک، علاقہ نارواہیت و رواج آتارداٹ باقاعدہ او خاہوت ء و ہداری کرسا اور اڑامیا ترخہ۔ نیازی ہم ہمو ارا ء تینا ارا، ہمو خاہوت ء تینا خاہوت، اریغ و خلق انا خدمت ء علاقائی رواج آتارداٹ خوشی اٹ امنیک۔ اسنے کہ ننا راج اٹی نیازی ء چنگی آن باوہ لہم دا پنت ء ترسا کیرہ کہ ہرا اٹی نا نکاح مس، نا ارا ہمو مروء، بیرہ مرک انا وخت آناہیت ہمو اراغان پیش تموء، یعنی زندا اٹی ایہن تو ہن و برنامروء و لے طلاق نادے ء اللہ اٹی۔ اسنے کہ ننا راج اٹی طلاق بھاز بھلو عیب اس تلکک، داسوب آن طلاق نا کچ ننا راج اٹی بھاز کم مریک۔

نن خنناں کہ داوڑ یعنی ساگ بندری آن بھاز آ دشمندار خاہوت آتا نیام اٹی آجت کن بیرہ دوستی آخالککن سیالی گچین مسنے۔ ہندن ء خاہوت دا وخت آ ہم بھاز ارے کہ ہندا ساگ بندری نا سوب آن اوقتا جندہ اوقتا اولیاد و خاہوت آک تینا دشمنی ء گیرام کرینو، دشمنی تادوستی اٹی بدل مسنے، اوفتے اٹی، اوقتا اولیاد تینا، خوشی خوشی اٹ، ہن و بر، سیالی برجامسے۔ مطلب دا کہ ننا راج اٹی خون بہا اٹی آخالککن دشمنی ء ختم کنگ و تینے اوار شاخنگ کن، ہمو خاہوت اٹی باقاعدہ قول و قرار، شرت آتارداٹ داساگ بندری ء کفرہ۔ ہمو قول و قرار، شرت آتے اٹی دا شرت آک ہم اریر کہ دانیاڑی ء ہم تینا خلق انا باقی آثار

(برجاء)

## نوشتانک

5

## فیڈل کاسٹرو

مخلوق نا سلاہ و سوج آتے شیک کریر۔ ہراڑان سا تما کہ بتتا اومیدار آتینی گڈ کیو نمبر آئے۔ 10 مارچ آبتتا فوج انا مدت و کمکی اٹ دستوری حکومت ء بٹے وکل

..... ڈاکٹر شاہ محمد مری

..... بدل: جیلانی الفت

واکداری تے تینا دوٹی ہلک توس۔ ظلم و تادی، بددیانتی، بے ایمانی، بدقماش اٹی بتتا نا حکومت نا بدل کیو باٹی بچ و دی متویس۔ جزل بتتا اقتدار آکوزہ کرسا گچین کاری تے رد کرے۔ داپس ہلوک ء ہیبت اسے کہ ہرا وخت آجاگہ اس پیش اٹی پارٹی اس کنگ اٹی ء، تو اوڑے ایوب خان اس بتتا مرسا مارشل لاء خلیک و گچین کاری تے خٹک۔

اٹس عجب ء کہ لاطینی امریکہ اٹی انقلاب نا لہم کن تو گچین کاری تا کسر ء بند کنگا س۔ دا خلیس آن کہ کاسٹرو و گوء درو۔ و لے سامراج ایلوچ ء علاقہ غاتینی گچین کاری نا وڑ و ڈول آتے برجاتا کہ دا وڑاٹ انقلابی پارٹیک با اتر۔ و لے انقلاب تو بھاز ڈاناک مریک۔ انقلابی تینا جنگ کن بیرہ اسے اراوار کرسا گچین ایک۔ انقلاب 10 ہزار وڑاٹ 10 ہزار کرسا جوڑ کیک و پدا کل آن جوان انکا کسراٹ مستی برساجھٹی پتریننگ۔

(برجاء)

کنگ کریکہ کرسا پنا۔ وخت اس کہ تینا بر خلاف پدیرہ مروک ..... بدل: جیلانی الفت

کنگ کریکہ کرسا پنا۔ وخت اس کہ تینا بر خلاف پدیرہ مروک ..... بدل: جیلانی الفت

جی او!..... یونیورسٹی سیاست نا لہم مریک۔ کاسٹرو بڑو کو کولی تعلیم کن ہوانا یونیورسٹی آ پنا۔ اوکانو دا ناخ اٹی داخلہ ہلک۔ اے وخت اسکان او سیاست آن بے سانس۔ ایڑے یونیورسٹی اٹی اوقم آ واکداری، خلیس و سلبہ غانا حکمرانی کس۔ چندی ٹولیک جوڑ کسرہ۔ و گینگ لیڈر آک عہدہ، وڈی، ملازمت و ایلو آسرائی تا خواجہ کسرہ۔ ہندا زمانہ اٹی اوڑے کیو باٹی پیپلز پارٹی (آرتھوڈوکس پارٹی) ہم ساڑی کس۔ ہرا نا کماشی ء چہما نا بغاوت نا نظریہ غاک کریرہ۔ کاسٹرو و ایلو سال سیاست اٹی پتریننگ۔ دا پاش کس کہ او آرتھوڈوکس پارٹی نا سیاست تون گندنگ۔ اسنے کہ حالیت آک ہندن کسرہ۔ اوڈو کوئی اٹ اخبار اسے نا کشتنگ نا پنا ء کرے۔

1950ء اٹی او 24 سال نا وٹی اٹی گریجویٹشن کرے۔ فیڈل نایونیورسٹی اٹی خواننگ ناکل آن جوان انکا ہیبت داس کہ او لیبر کانوڈا اٹی جوان پوزیشن ہلک۔ وخت اس کہ ملکیت و جائیداد نا کانوڈا اٹی کئی سے اٹی پاس مس۔ دے اس کہ اوڑان گڈ انا بچ آ زند ء اودے ہندا ملکیت و جائیداد نا بر خلاف جنگ اکن وقف کروئی کس۔

دانیام اٹی تو کاسٹرو ء ہروڑاٹ اسہ رجعت پسند ء بندغ اس جوڑ مروئی کس۔ اسہ سوب تو داس کہ او اسہ بھلو جاگیر دار اسے نامار کس۔ ارا گیکو دا کہ او دینی اسکول اسے اٹی خوانا ہراٹی ہرگار آتا چناک خوانارہ۔ اونا رجعتی متنگ نا مسٹیکو سوب داس کہ او کیو باٹی رینگا کہ کہ ہراڑے کل علم آتا شینکارکی اٹالانی نامدی تیا ”میڈ ان یو ایس اے“ لکھوک مسکہ۔ و مسٹیکو دنیا کن سامراجی امریکہ نا تعلیم ”رجعت و میکاتھی“ والا نسکہ۔

گچین کاری تا کسر بند:-

ہسپانوی گورنمنٹ رخت مس تو اونا جاگہ غا بندری ہرگار آتا تینا جوڑ کروک آجر نیل و پوسکن جوڑ مروک آ سیاست دا تک ملک انا دولت و سیاست ہر قوم آتیا کوزہ کریر تو سر۔ ہراسٹ نادوٹی فوجی واکداری نالٹ بس یا امریکہ والا کسرے و دستور و جمہور ہر قوم آتے پیش و خراس آتیا نار مستی کریرو تینا منشا ء کرسا پنا۔ بتتا اسہ مسکو ہی آری سارجنٹ اس نسکہ۔ مارچ 1952ء اٹی او ملک انا صدر جوڑ مس اونا داوڑا اٹی کریشن اسل لس کس۔ بتتا اوڑان کل آن زیات فاندہ ہر فوک آتیا کس۔ او ہرگار آتے کن دیک آتبار ء گڑاٹ کس۔ اٹس کہ ڈالراوٹ و پیل

## زندانی نا ڈائری، سال 1973ء

### ڈسٹرکٹ جیل ناسیر آباد

9

..... ڈاکٹر سلیم کرد



بس، وریلی ٹی خلوک نعرہ و دروونا برانزائی منہ ترانکارنا بے ڈول آہیت آیتینا گزرتی تیان جلوس اٹ ساڑی ایلو تنظیم آتا سرکڑدہ غاتے معلومدار کرے، اوکان پدقظب خان لہڑی ہرا کہ ”بلوچ ورنا“ ناسرکڑدہ کس، اسٹیج آہس، و نیپ حکومت آہجاز دو بہ خلک۔ قطب خان نا تران ناوخت آحنیف بلوچ دوارہ اسٹیج آہس کرے، و ترند تواراٹ ریلی ٹی ساڑی بی اہس او نا باسک آتے ریلی آن پیش تمگ و اسہ کنڈ متگ ناپارے۔ ن غٹ ہرابی اہس او تون گندوک کس، ریلی آن پیش تمان و روڈ انا اسہ کنج اسے اسلیسن۔ قطب خان لہڑی نا تران آن پدلی احمد کرد اسٹیج آہس و لوک و پاڑو اٹ نیپ انا سرکڑدہ غاتیا دو بہ غاتیا سم شلا۔ علی احمد کرد انا تران نا وخت آکنہ ارا الہ عبدالحمید کرد، محمد مراد کرد، علی احمد کرد انا الہ مارنا راد عزیز کرد، حامد عزیز کرد اسٹیج آہس۔ اوکل قطب خان لہڑی و طالب علم راہشون تے پاریر کہ علی احمد کرد نا غاہوت نا بندرغ اسے، ن غٹ نیپ اٹی اُن، تو گزرا ن تینا بندرغ و دنگ اٹی اُن۔ دا پانگ تون اوکل اسٹیج آ تران نا نیام اٹ علی احمد کرد و خب کریر، و اسٹیج آن پیشون دریر۔ علی احمد کرد انا نخت ڈوک توروک کس، و لے باغان تے دا۔ کان تران برجاس۔ نا نگان ٹولی ناوخت آ ہم اونٹ و دنگ کس۔ نانتینا نیک علی احمد کرد و مومن پے مومن اسہ بلوک و دکان اسے ٹی بند کریر، و دکان نا پیشون آن شترع شیف چکار۔

مینگل و نواب خیر بخش مری تون اوڑدہی نا وخت آتینا خدمت آتا سلسلہ خلسا بروک آلاخہ عمل نا بابت سوچ کرے، ہر اتم وقتا کنڈ آن علی احمد کرد و صبر انا پانگا توی علی احمد کرد بش مس و پارے، ”نم صبر کبو، ای چا و کنا کاریم چاہے۔ تینا غان تینا کنا و س اٹ انت اس کہ متگ کرے کیوہ۔“

پگہ غا علی احمد کرد بلوچ اسٹوڈنٹس آرگنائزیشن ناراہشون تون ملا۔ طالب علم تنظیم آیتینا تالان طلباء ایکشن کمیٹی شیفنگا، ہرائی علی احمد کرد، عطاء اللہ حمہ حسنی، امان اللہ شاد بیزنی، امان اللہ بازنی اور کس۔ دا طلباء ایکشن کمیٹی نا اولیکو جلسہ 3 مارچ 1973ء نا دے پیشیم نا وخت آ جناح روڈ کونڈ نا منان چوک آہس۔ جلسہ نا دے سبب اتون علی احمد کرد و امان اللہ بازنی بیرشت بدل کرسا رکشہ سے ٹی تو سر، و انا و نسمنٹ کرسا کریر۔ امان اللہ دستار اس تقیسس، و علی احمد کرد ٹوپ و خیری اس پیناس۔ ڈوٹی مائیکروفون اس ہر فیسس جلسہ نا پڑو کرسا ہنا کہ۔ و داڑتون اور دا پاریکہ کہ دا جلسہ غان علی احمد کرد، امان اللہ شاد بیزنی و ایلو طالب علم راہشونک تران کیرہ۔ و ہندن اہس آن دا جلسہ ٹی ش بلنگ نا خواست ہم کریکہ۔

جلسہ نا وخت آ منان چوک نا ایب کیب اٹ اہس و طالب علم آتا اسہ بھلو کچ اس مچ موسس۔ کل علی احمد کرد و ایلو راہشون تا

مسر۔ ہندا دے تیبی عراقی سلہہ غاتا سیل و کرفنگ کن سلہہ تے ٹرین اٹ تخسا چندی اسٹیشن آتیا اہس و نشان تنگ نا ہنا پنڈی آن کنگا۔ سبب اتون مہالوریڈیو پاکستان آن ملی ترانہ ”جاگ رہا ہے پاکستان“ نشر کنگا کہ، ایلو طالب علم راہشون تا تران آن پدلی احمد کرد تینا تران نا ہنا عراقی سلہہ غاتا بلنگ انگ و راگ پارسا کرے، او ہجاز جوزہ ٹی سرہ و سر فسون اٹو کہ آہرہ غاتے ہورتا کمک اٹ ایک کرسا و حکمران آتے ہورانا اشارہ اٹ ہکل ترسا سفا انکا لوز آتیبی پاریکہ کہ حکومت نا د اہشیکو کوبی کام آن بیداد و آمرانہ پالیسی تا سوب آن ”سما کپنگ و بلکن ڈو آن ہنگ و پاکستان“ جلسہ ہجاز سر سہب مس۔ جلسہ نا ایسیری آہشیش عوامی پارٹی نا اسہ سینئر و رکر اس، ملنگ لاگو علی احمد کرد و کوپہ غاتیا ہرنے و رکر آہس ہی نعرہ خلکر۔ علی احمد کرد زندہ باد نا نعرہ غاک آسمان و کاظم آہر فیبر۔

دا سر سہب جلسہ غان علی احمد کرد نا است بھلن مس۔ دا جلسہ غان پد 7 مارچ 1973ء نا دے طلباء ایکشن کمیٹی نا کنڈ آن اسہ پین جلسہ اس مس۔ 13 مارچ نا دے منان چوک آ اسہ جلسہ اس مروٹی کس، ہرا ”بلوچ ورنا“ نا کنڈ آن جلسہ نا مچھی اسم کاری تا سوب آن جنگ اسے نا دروشم و دوٹی کرے۔

دا دور ہجاز سخت آزمائش آن پڑے دور اس نسلہ۔ ہندا کان اسلم کرد اسہ انجینئیر کے ناؤ

## ورنا گل

### ٹیکنالوجی نا فائدہ و نسخان آک

دنیا ٹی شوندری نا ہیبت مرے یاد دینا غان گوہ ورتگ نا ہیبت مرے، نئے ٹیکنالوجی نا کنڈ آ ہروٹی تمک۔ ہمو قوم آک اسل ہجاز شون بلکہ، ہجاز آک تا شون ہلنگ اٹی اُن۔ دا شوندری نا تا ویدن دادے کہ او تینا مزغ آیتان کاریم ہلنگ نا کوششت کریر۔ تینا زندائی

نا جوڑی تا درمان مریک۔ وڑ وڑ انا داروک جوڑ۔ بندرغ آک ہجاز وخت اسکا زندہ متگ کیرہ۔ گاڈی تیبی، جہاز آتیبی سفرک آسان مسر۔ چکو وخت اسے ٹی ہجاز کاریمک متگ کیرہ۔ موبائل آتا، کمپیوٹر آتا وخت۔ داسہ دنیا نا کچ کچ انا بندرغ آتھون

..... واحد قسم



آسرائی اتنگ نا سوب آن او پوسکن و سوچ خلنگ نا بنا کریر۔ گڑا اینو داڑے ریبگار ہراڑے کہ او قبا بیہ غاک سوچنگ کتوسہ۔ ہنوک آ وخت آک شاہد اُن کہ ہرا قوم آک دو دوٹی بلکہ و تینا کئی بولی ٹی خوانگک ہیل کنگ کن تینا چناتے راہی کریر، اینو ہجاز آسرات اریر۔

بیہہ غاتا وخت اٹی مخلوق آک کچ، پیش، ہلی تینا ہنارہ بسرہ۔ سفر تیبی سال آک لگا رہا۔ ہجاز آک نا جوڑ مسرہ او فتنے کن دارو دوا کچ الوکہ۔ ہسپتال آک الوس۔ بندرغ آک چنک چنکا نا جوڑی تیان خوار مسرہ و کسکرہ۔ برام تینا تین تین پتہ پتہ و بنگ انگ کن دیچاٹ دے لگا کہ۔ موبائل آک الوس۔ کابو آک ہرے آ سر مسرہ، ہجاز آک سر ہم متوسہ۔ ڈکال آتیبی بیگنی آن کسکرہ۔ کس و کس انا خرتھو کہ۔ پنجیا شست سال نا وخت و تیر کریرہ کسکرہ۔ خولم، برنج دستگ کن خراس، کچ آیتان کاریم ہلکہ۔ لشی تیبی روتارہ تا۔ گوٹ کریرہ تا۔ اوکان پد دہتہ غلہ ریبنگا کہ تا۔ ڈغار آن دیر کھنگ سخت کس۔ کاریر ختارہ ختارہ نچ تا پیش تماس۔ مش تے ٹی وخت آک تا گلد ریبگارہ۔ کچ آن کچ اوکوتون تا۔ مش تے ٹی نہارتیان چنگ کن خت انا لٹ ہر فیہ۔ توک تا با پڑ کس۔ اوٹی سم شاعنگک ہنا دا دور اٹی سال آتا سفرک گھنٹہ غاتیبی مریرہ۔ سفا، جوان، نچ و دیر ملک نئے۔ کنگ کن مزہ دارا نگانا گڑا کریر، اینو ڈکال مرے تو جہاز آتیبی، ریل آتیبی، گاڈی تیبی ہر گڑا سر مریک۔ ہسپتال آک جوڑ مسر۔ کل

ہیبت متگ یک۔ ٹیکٹر، تریشر، مشین تا دورے، انسان اینو آسرات مس۔ مست اسل خوار کس۔ بجلی، ششی تا بلف آک مست تا نارمٹی تے چٹھیر۔ ناندینا و ٹیکنالوجی روشنا کرے۔ انسان گدان و تموتیان، بلڈنگ آتے سر مس، باسنی تیان چنگ کن پکھ و اے سی جوڑ کریر۔ خونا جاگہ غا فرنج آک بسر۔ ٹیکنالوجی انسان تا زندگی ٹی بھلو آسرائی اہس۔ ٹیکنالوجی کاروبار آتے آسان کرے۔ انٹرنیٹ نا کمک اٹ کن دنیا نا بندرغ آیتان کاریم ہلنگ کینہ۔ دنیا نا بھلا بھلا مارکیٹ آتا خرتھک نئے۔ نئے بندرغ اس نخوٹی مرے تو ایڈورٹائزمنٹ نا کمک اٹ انٹرنیٹ آن او فتنے پانگ کینہ۔

خوانگک مست ہجاز کین کس، و لے اینو پگہ ہجاز اڑزان مس۔ انٹرنیٹ ہم اسہ مائشر اسے۔ مائشر آک ملٹی میڈیا نا کمک اٹ گڑا تا پن تھون اور اور فونو تے ہم چناتے نشان لہترہ تا کہ زوہبہ مریرتا، چاک و بلیک بورڈ والا وخت ہنا۔ داسہ مارکر وائٹ بورڈ کس۔ اینو پگہ تو اونا ہم گرج منگ، یوٹیوب آدینا نا ٹیچر آک خوافرہ، اگہ کس اس خوانگک خواہے تو خوانگک یک۔ داسہ تو مشین آک انسان تا کاریم تے کنگ اٹی اُن۔

اینو ہندا ٹیکنالوجی تا سوب آن بندرغ آک ہر گڑا و گوگل آپٹ پول کیرہ۔ اتنے تینا مزغ آن کاریم ہلنگ اہس۔ دن مٹ کہ مزغ آک کاریم اٹ ہجاز ہنگ آک اسہ دے کاریم و اہر۔ ٹیکنالوجی تا سوب آن انسانک جان بڑ جوڑ مسنو۔ ہر بندرغ بے واک و۔



پبلشر عبدالغفور قلات پرنٹر زینبیل روڈ کوئٹہ خان شیک کر سلا 302 فیبر 1 یونیورسٹی کیمپس  
جناح روڈ کوئٹہ خان تالان کرے

25-19 ستمبر 2020ء

### ادب ناپڑ آسوج آتا کسراٹ اڑنگ

براہوئی ادب ناپڑ آ ہر افس تندی اٹ سوج چست متنگ بنا کرینے، ہند افس تندی اٹ داسوج آتے تو تنگ کن متامریک ہم مون اپنگ اٹی ء۔ دن تو اڑنگ مروک دانوشنوک آتا کنڈ آن دا ہیبت ء پاننگ کہ اولک تقید ء وارخوای تنگ خوارہ، ولس مجلس و نوشت آتیبی دا ہیبت آزر ہم شاعنگ کہ سوج چست کنگے، و تقید کن کسراٹ لگے۔ و داراٹ دا کچ اسکان ہم پاننگ کہ سوج چست کروک آڑکن دا ہم المی اف کہ او اسہ خاص ء علم اسے نا خواجہ مرے۔ و پاننگ کہ ہرلس بندخ ہر نوشت اسے خواک، اودے ہونوشت نابابت سوج کنگ نا حق ارے۔ و لے ہر اتم کہ کس اسے

.....عبدالقیوم بیدار



منہ دے مُست یکپاسی ٹرسٹ مستونگ نانیمہ غان اسہ دعوت نامہ اس ریڈنگ کہ ہرائی یکپاسی کانفرنس کہ دائی سید علی محمد شاہ نا کتاب ”نعت اناسفر“ نا مون پاشی و مشاعرہ اسے ناپڑو کس۔ دا چٹی ٹینگ کن سنگت آک سلاہ سوج کرین و گڑ اس سنگت سہب انا پیش تمار و گڑ اس نیمروچ تون مستونگ آ تینے سر کریر۔ کن تون ادار ”تلاش“ اخبار نا ایڈیٹر عبدالرازق ابابکی ٹڈ کس۔ نن دوازده مجہ غا مستونگ آ سرمن۔ دا چٹی یکپاسی ہاؤس محلہ سادات اٹ اڈ تنگ سس۔ نن آن مُست مستونگ و ایب و کیب انا ادیب و شاعر آک چج کس۔ اولک نننہ بچ کریر۔ زرہ سے آن گڈ براہوئی مقبلی مشاعرہ نا پنا مس، ہرانا مہانداری پنی آ شاعر حاجی شاہ بیگ شیدائس۔ دا مشاعرہ نا کماشی ء یکپاسی ٹرسٹ نامکاش سید علی محمد شاہ پاشی کرے و مہمان خاص مسکو ہی سینیٹر سفیر میر حسین بخش بنگوئی کس۔ دا مشاعرہ ٹی پی آزرگ شاعر رحیم ناز، سید غریب شاہ انجم، صابر ندیم، مولوی محمود احمد، حسن ناصر، بشیر شاہ، حاجی حیات منصور،

آک دن انگا سوج آنا، اسل کہ اوفتا چندا نابابت مریر ہم مخ تھی ء کر سا کارہ، تا کہ براہوئی زبان ناپڑ آ گچین آنوشت آتے چاڑ کنگ کن کسراٹ ملنگے۔

اٹ بدل کنگ نا خواہندار ء۔ اونا چند تو راج انا رویہ غاتیا سوج چست یک۔ نوشکار راج انا رواج بلوک آ بھاز آ گڑا تے شیف خلک و تینا سلاہ ء اوفتیا سوار کنگ نا ہیبت ء تو یک، وراثتی تے بیان کنگ ناپڑ آ ہمو گڑا تیان ہم پڑدہ ء ایک یک ہرلس و ڈاٹ پاش کنگسہ۔ و لے ہر اتم نوشکار نا چندا سوج کنگے تو اوخر یک۔ نن پانگ کینہ کہ منہ وخت اسکان تو دارویہ پاش آن پاش مون آ بتویس، و لے داسہ اسہ وار و لدا کاٹم ہر فنگ ء، یادادے کہ دادر سر اسے آن ساڑی منے، و لے داسہ بے گی و دنگ نا سوب آن زیات پاش متنگ اٹی ء۔ داوڑ تیان تو ہندن لگ کہ براہوئی ادب ناپڑ آ قلم ہر نوک آتا بھلو کچ اس اینو ہم تینا نوشت آتے کامل تلک۔ ہندا سوب ء کہ ہر اتم نوشت آتا نابابت سوج اس چست مریک، تو رد عمل اٹی دا ہیبت ہم مون آبریک کہ ”دا بندخ ء چ بنگ“ و ہندا سہ ستر اٹی دا کوشت کنگ کہ سوج چست کروک ء ”بے علم“ پک کرساتینا نوشت نا ”دفاع“ ء کنگے۔ و لے یخین اٹ اینو نا گیری ٹی داوڑا کوشت آک سر سہی چہ کہ نوشت و خوان تون تعلقدار اسہ بھلو چہ اس دن ہم ارے کہ ہر ا گڑا تے حق و ڈاٹ ہنگ خواک، و تینا ذات انا جا کہ غاداب نا شوندری آ چکار یک۔ داوڑا نا بندخ

13 سیرت سرور کائنات  
حاجی شاہ بیگ شیدا



### واقعہ ابراہیم نافع و حضرت اسماعیل ناقربانی (3)

چچ اسے اٹ خن تے تینا دن خللیں و لدا تھے دخت آ تکبیر نانا کہ اُسٹ کناڈن خوڑت مرے دا عمل آ ہر ملائک بوچ مش حیران کس انت مرو ء جٹ ایٹی ہر کسٹ نالان کس لیٹھے تے مون ء تسک بیت انا گنڈ آ خللیں امتحان اٹ پاس کیس کہ نی اریس رب الجلیل او پارے اللہ اکبر دوٹی کتار ء کرے یا خدا نی صبر ایتس بندہ بے وس حاجز ء رب انا و لدا رحیمی جوش اٹی بس او زمان حکم تسک جبرائیل ء نی مرک راہی روان جنت آن خوا اس گچین ء ہر ف سر کہ اوڑے نی چاخو نا با آن مار ء ہر ف مر کہ اوڑے نی خن تا لنگ آن مُست کہ جبرائیل حکم ء دا قربانی کنا خللیں نا مس قبول کنا در آ امتحان اٹ ابراہیم تو اسماعیل ہم پاس مس او ذبیح اللہ لقب تو دن نبی اس خاص مس مس تکبیر تون چہوہ کہ دتر نا بنگ جوان ای اریٹ راضی رب کہ نی مریک مہربان ہتا کتار ء اسہ گنڈ پارے مسٹ کامیاب دا دنیا تو بچ اس افک انت اسے دا نا عذاب انا اللہ پارے و لدا خن تے تینا او ملا مس حیران اے تم آ او مار ء کہ زندہ خنا شکر کشار مار و باوہ اللہ اکبر پارسا تین پہ تین آ وا خو آ دن او ہر ارہ محسا دن خدا تو م آ نبی تے امتحان آن گدرینے اوفتے بخشا دون ء خلعت رحمت اٹ دن بیرنے رب اتون بندہ نا تینا نم خنارے یاری ء دا وڑ اٹ قربانی ہندا قیمت اسکا جاری ء

## براہوئی ادبی حوال

قیوم بیدار، شاہ بیگ شیدا، فتح محمد شاد، فیض بولانی، منیر فردوس، مولوی محمد احمد، عطاء انجم، بشیر شاد، حیدر آتش، ہدایت فدا، عطا انجم، نذیر حسرت، رحیم ویدن، سرور مہر، فرمان نسیم و ایلو فلک کلام ہنیر۔

☆ نعت اناسفر  
☆ براہوئی زبان اٹی نعت انا تاریخ  
☆ سید محمد علی شاہ ہاشمی نا علمی و ادبی کوشت

مشاعرہ غان پدنا ایلو سنگت آک کہ اوفتے ٹی افضل مراد، وحید زہیر، اختر چنال و اے ڈی بلوچ ادار کس، کوئٹہ غان سر مسر۔ دا نیام اٹ میر حسین بخش بنگوئی و سید محمد علی شاہ تون اسہ جوان ء پکاری اس مس۔ میر حسین بخش بنگوئی نا تعلقدار ی قلات آن ء، و اختر چنال و وحید زہیر ہم قلات آن تعلق ترہ۔ ہندا خاطر آن قلات نا تاریخی، ادبی، ریڈنگی حوالہ غایت گچین ء ہیبت و گپ مس، خاص و ڈاٹ قلات نا مخلوق نا ملند و مخرہ و بوگ شوگ نا بارواٹ سر جی اٹ ہیبت کنگا۔ نیمروچ نا ارغ آن گڈ سے مجہ غا پروگرام نا اڑیکو ٹی بنا کرے۔ دا شیخ اٹی سید محمد علی شاہ نا کتاب ”نعت اناسفر“ نا مون پاشی کنگا۔ براہوئی زبان اٹی نعت انا تاریخ نا بارواٹ اولیکو وارا سہ گچین ء کتاب اس ”نعت اناسفر“ نا مون اٹ مستونگ نا پنی آ عالم سید علی محمد شاہ ہاشمی پت و پول کرسا اسہ گچین ء کتاب اس مون آلیس، ہر اکم و و 470 پتہ غا تالان ء۔ دا کتاب یکپاسی ٹرسٹ مستونگ نا پارہ غان شینک منے۔ کتاب نا مون پاشی نا دود 6 ستمبر 2020ء آ مستونگ اٹی اڈ تنگ۔ ہرانا کماشی ء اسلام آباد آن بروک آ پنی آ

نیمہ غا خیال داری کرنے۔ اولک پاریر کہ دا اسہ آسان ء کریم اس اف۔ حاجی شاہ بیگ شیدا کتاب نا بارواٹ پارے کہ ”نعت اناسفر“ اٹی خواجہ سید علی محمد شاہ نعت انا پورا آ تاریخ آ نظر شاخسا بھاز خواری اٹ عہد رسالت آن مُست و عہد رسالت، صحابہ کرام، تابعین و تب تابعین و اوڑاٹا پد اینو اسکان خواجہ دو عالم نا شان اٹی ہرا کہ عربی، فارسی، اردو، سندھی، سرائیکی، بلوچی، پشتو و براہوئی ٹی نعت گوئی منے، اونا تاریخ ء کتاب آتا حوالہ اٹ ”نعت اناسفر“ اٹی ایسے ہرا چارسد آن زیات پتہ غاتیا تالان ء۔ اینو پکہ تحقیق اٹی ایم فل و پی ایچ ڈی کروک آ طالب علم آک داخہ بھلو تحقیق مون آ انگ کپسہ، ہرادے شاہ صاحب مون آ ایسے۔ گڈ سرائی سید محمد علی شاہ پارے، ”نعت اناصنف بھاز ہرے نا ء و قدیم ء۔ نعت انا ہم اسہ تاریخ اسے کہ بناغان دا وخت اسکان تین تون گنڈوک، تفوک و گنو ک ء۔ نعت انا کل نمونہ و طریقہ غا ک شان و شرف والا ہستی نا شان و شرف ء بیان کیرہ۔ نعت انا بنا صاحبہ کرام آن مریک۔ و تابعین و تب تابعین آن مر سائل در سل دنیا نا ہر گچ اٹی تالان مس۔ دا وخت اسکا ہر زبان اٹی نعت انا بھلو کوڑی اس ساڑی ء۔ صحابہ کرام آ تیان مُست اولیکو قصیدہ ء جناب رسول اللہ نا اللہ جناب حضرت ابو طالب پارینے کہ اونا وسیلہ اٹ پر اکن دغا خواہسنے۔

## افسانہ رنگ ریز

متنن آ پیٹی ٹی چارٹل کروک آہینن آگد غٹ ۽ پچ آتا نیام اٹی تخوک کس۔ او ہر مسہ چارنوک آن گڈ پیٹی ناکل ۽ پچ آتے پیش کشاکہ، پیٹی ۽ چند سا تینا منت آ سفا کریکہ۔ پدا اسہ جتا ۽ نازولا ڈاسے ٹی غٹ ۽ پچ آتے پیٹی ٹی تخاکہ۔ ایلوچ آتا ہند بدل

بروک آ کبھی دے تسکان اونا زیاغا دروشم نا شیخ اس جوڑ مسکہ۔ اونا خن تیشی مونجائی ناکلس مونجائی تے پین تالان کریکہ۔ ولے اسہ ہیبت اس اودے تینٹ ہم حیران و ہیکہ کریکہ کہ عینن آگد ۽ ہر فنگ تون اونا خن تا خویک آک ہندن بارسہ دن کہ ڈکال نا



دے تیشی ناک نیم روج ناوخت آریکستان نا بارن آریک آک مریر۔ اودے دا عینن آگد تینا ساہ آن ہم زیات دوست نیکہ۔ او دا عینن آگد انا ہند انا خیال داری ۽ تخاکہ کہ دن چا اونا ساہ ہندا عینن آگد انا پلو اسے آ تفوک کس۔ ہندا سو بکس کہ پچ سال گدر بیگ انگ آن پد ہم عینن آگد آچ ۽ کرچ اس الوکہ۔

مرساہنا کہ، ولے عینن آگد انا ہند مدام ہمو نیکہ، ہراڑے کہ اودے اولیکو وار خوندی کر سنا تخاس۔ پچ انا ہر جوڑہ تون اونا اسہ یات اس گڈوک کس، او ہراوخت کہ پیٹی آن پچ آتے کشاکہ، یات آک اودے اسہ پین دنیا سے ٹی دریرہ، او پچ انا ہر جوڑہ ۽ ہر فسا، ہر سا اسہ سوچ اسے ٹی ڈب بلکہ، تین تون تینت ہیبت کریکہ۔

دوخت رنگ ۽ آئی تینا دوخت لگنیس، دا گلابی آ جوڑہ ۽ اوی گراں ناز کنا ساگ آ کبیس، دا شیشہ چانپ ۽ تاتا نا مسٹر گل بی بی بھاز خوری اٹ تیار کریس۔ دا پوسکن آ جوڑہ غاسیاہ دوچ نا کشیدہ ۽ آئی نا ہمسائے بی نازی بی بی آن کر فیس۔ دا گوگی آ جوڑہ ۽ ای تینت اخہ خوری اٹ موسم نا کشیدہ کریس۔ دانواری آ جوڑہ ۽ کن کن ایلن نا ارنائی پڑیوار کریس۔ دا نیلی آ جوڑہ نا ٹوف آتے ماما مسز نور بی بی تخاس، اونا پچ آتا ہر جوڑہ اسہ جتا ۽ کشیدہ اس نیکہ۔ جوک، زیبا دل پسند، دوسوتی، خاک، زیبا بختیار، لہری کشیدہ، موسم تڑو، بگٹی تڑو، آن بیدس اونا جوڑہ خاک پین کشیدہ ہم تسرہ..... ہندن او ہر جوڑہ ۽ پیٹی ٹی تخاکہ آن مست بھاز تھکیر اٹ ہر سا تدوک آ ساہت آتے است آ ایسکہ، اونا تخک خویسکی مسرہ۔ ولدا ہمو ساہت اٹی اونا جوڑہ تیا چکو بشحدہ اس تالان مرسا اونا مونجا غا زندا ٹی خوشی تیا چکو ساہت اس ایسکہ۔ ولے بست ارمیکو ساہت اودے ہند انا مونجا کریکہ کہ دا مونجائی

نورل ماہ گنج نا ایلہ نا مار کس۔ اوک اسہ خاہوت اٹی چنک بھلن مسوس۔ خاہوت نا اسٹی او فنے اسہ ایلو آن پین خوک کریس۔ او اسہ ایلو کن چکی آن مسرہ۔ او اسہ ایلو کن بھلو مہر اس تخارہ۔ چنک آن بھلن مرسا وقتا مہر ہم ودسا ہنا کہ۔ دیک تدینکسا ہنار، نورل میٹرک نا امتحان ۽ پاس کرے تو اودے تینا تعلیم نارداٹ شمار آ ہنوتی تما۔ نورل تینا و ماہ گنج نا آجت کن گچین ۽ تیغ اس خناس۔ دا تیغ ۽ حقی ۽ دروشم اس تنگ کن بھاز خوری اٹ خوانگک نا بنا ۽ کرے۔ او ہر تو آ خلق آ بیکہ، اونا بیگک تون ماہ گنج نا مونجائی گلانی اسے ٹی بدل مسکہ۔ دا مونجائی و گلانی ۽ خاہوت نا چنا بھلا کل سر پند مسرہ۔ نورل نا شمار آہنگک نایک و نیم سال آن گڈ اسہ جار اس نورل اراغاس تو اونا لہ ماہ گنج نا باوہ غا اوڑکن رسال ہنار، اسہ ارا نا ہیبت نیکہ، ماہ گنج نا باوہ او فنے اوٹس، بروک آ تو اٹی او فقا ساگ اونا دود ہم سر تنگ۔ نورل و ماہ گنج انا است انا مراد پوروس۔ نورل دو انزودہ جماعت نا امتحان ۽ تنگ آن گڈ خلق آس تو

## افسانہ ہجراناز آباد

زمان مخلوق کن برام آک خوشی نا چر گنج ۽ ولے ای داسہ برام آتیا اسل ہنپرہ، اتنے کہ کئے برام آتیاں ہموننا کنا اوری یات بریک، ہراڑان پدا و نی گچ زندا کن اوری نا قول کریں..... ہرا عمر بھرا کن ہندن سلو ۽ گل رنگ گڈ ۽ تینا گور آن مکر سنا تینا زچک آ اسیکنا ہرا واپارے..... نے پات ۽ ادا کنا ہمو پچ آک ۽، ہرانا زچک نا بھل ۽ نی تینا دکان ہیٹ کشکاس پاریس..... بھل انا گور آ بھل اس دا کئے قبول اف، ہموکان پدا و نی اسہ مون جوان مخان۔

نے خبر ہم ارے کہ اٹ دخت منگ ۽ چارسال آن زیات..... چارسال۔ چارسال تو اسہن باٹ زو بریرہ ولے دا فتنے تدیفنگ نا کئے آن سوچ کرک۔ نی سوچ کپسہ وا ہم ای پاوہ نے کہ کئے آ انت انت تک۔

وا خیال برو ۽ نے دا ہڑدے ناگپ آک ۽، تو مرے ہڑدے ناگپ آک مریر..... اسہن ہم داسہ کس خف تو پک داگپ آتے کنا بیدس نے آن۔

ای منہ دے مست تینا کل پچ آتا زچک نا بھل آتے کشکات اتنے کہ دا بھل آک نے دوست الوسہ۔

نی ہم خوف تو ننگ اس یا نہ؟ دانا ہم خرتنگ اف، ہیبت نی کپسہ ہراڑان کئے سا مرے کہ نی کنا ہیبت آتے بنگ

..... عبدالرحیم زام



اُس..... ولے واہم ای خوش اٹ کہ..... گل رنگ پین ہیبت جوڑ کنگ کن سینٹ اس ڈب سے آن کشا پارے..... نے یات ۽ دا ہمو سینٹ ۽ ہر اداے نی کن مسافر نی سے آن جنگ ناوخت آ اسس ہندن کئے ہندا ہم پاریس کہ..... نی کنا گل رنگ تو اریس ولے نے زبا داس ہم بکار ۽..... ای ہر اتم مسافر نی سے آن بست تونی دادے ضرور خلیس کئے دانا زبا داس دوست بس۔ گل رنگ..... ہنداڑ تون بے وڑ تینے آ سینٹ انا چنکار کنگک بنا ۽ کرے ہرا و جا ہجر ۽ بیان کنگک کس، ساہت اس تو ہندن لگا کہ کہ او سینٹ ۽ چٹو ۽، ولے دا ٹی ہم صبر کس شاعا و ولدا ہیبت ۽ بنا کرے۔

مخزہ تو کنگک کپسہ اتنے کہ ای جوان چا وہ زبا دے اینو تونی بریرہ..... ضرور بریرہ۔ گل رنگ..... او گل رنگ گل رنگ نا تا تگٹ انا پراٹ تو ار خلنگ کس گل رنگ نا ارا ہمشکا..... نا سنا پلنگ ہندا گپ اونا اور گل رنگ..... زبا دنا شیشہ..... ہموکس وکس بند ہر افتون او ہڑدے گپ کریکہ..... فرش آ بے ساہ، شیشہ شیشہ، ہجرانا زبا دات تالان مسر۔

دیگر ناوخت آ اوکھی آن پیش تما، خرن آ آسمان آ شینک آک تالان تسرہ۔ شینک آتیاں شیف رنگ رنگ انا گڈ یک بال کریہ۔ رنگ آک اودے بھیم زدہ کریہ۔ اونا است انا توار اونا سینہ ٹی ماتنی ۽ زبیل اسے آنا ہر مونجائی ۽ ہندا خ تالان کرے کہ اونا سینہ ٹی دڑدا اس شیموش کرسا اونا است آن ایپارس۔ او اسہ چہاٹ اسے تون یلہ مس،

وڈ غار آ تمل کل خاہوت اونا خوک آچ مس، ولے اودا دینا ۽ الاس۔ خلق انا قبرستان اٹی نورل نا قبر نا خوک آ اسہ پین قبر اس وڈا، ہراڑا مسہ خل تخوک تسرہ۔ خل تیشی اٹلیوک آہینن آریڑ ۽ تہو بھاز نازو لاڈاٹ سرفیکہ، ولے نازولا ڈا تون اوار اور تہوانا مودہ ہم برجاس۔

## نوشتانک

### حیاتِ ناشہادت و میڈیا نا منافقت

دنیاٹی جنگ اس مرے یا دین اس مرے، یا پین ہندن ء ویل اس کہ دنیا نا نشان مرے، راج انا حکومت نا نیام اٹ جنگ و جھوڑہ مرے یا قدرتی آفت آک مرے، دافنا بارو اٹ راج اسکان معلومداری تے سرکنگ میڈیا نا زمواری مرے۔ دنیا نا ایوارج آتیبی تو

.....ملک عیسیٰ خان رند



میڈیا تینا کاریم ء ہم بھاز جوانی اٹ ایک۔ و لے نا ملک انا الیکٹرانک میڈیا نا کڑدارکل انا مومن آئے۔ 13 اگست 2020ء نا دے تربت اٹ حیات بلوچ نا شہادت نا واقعہ مس۔ حیات بلوچ کراچی یونیورسٹی نا طالب علم اس کس۔ اسخو کورونا نا نا جوڑی نا سوب آن سچ آ پاکستان اٹ تعلیمی ادارہ غاک بند مس۔ تو حیات بلوچ ہم یونیورسٹی نا چھٹی نا سوب آن تینا آرا غا تربت آ بس۔ آراٹی حیات بلوچ دے آن تینا باوہ تون الار نا باغ اٹی کاریم کر یکہ، و نکان تینا کتاب آتے خونا کہ۔ حیات تعلیم نا پڑ آ بھاز لائخ کس۔ و تعلیم نا کر اٹ مومن مستی ہنسا تینا لمہ باوہ نا محرومی تے چٹنگ نا سوچا کس۔ اونا ارادہ غاک بھاز بوزا کس۔ اوتینا خلق اکن و تینا راج اکن گڑاں جوان کنگ نا سوچا کس۔ و لے شوم انگا بخت ء گڑاں پین منظور کس۔ 13 اگست نا دے حیات تینا باوہ تون باغ اٹی کاریم کر یکہ۔ اوقفا باغ انا مومن نا سڑک آ گدر یگوک آ واقعہ اس موسم۔ و ولدا حیات ناشہادت نا واقعہ پیش بس۔ نئے ہم دا واقعہ نا بارواٹ سوشل میڈیا نا سوب آن معلومداری مس۔ سینیڈی انسانی ہمدردی نا ڈو ء تخوک آہر بندغ مونجاس۔ سوشل میڈیا غا حیات ناشہادت نا خبر آک ہر پارہ غا تالان مس۔ و لے نا ملک انا الیکٹرانک میڈیا بلوچستان نا دا ڈو آک پر انگا خبر آن بے خبر کس۔ پرنٹ میڈیا نا اردو اخبار نا خبر دا ڈو کس

فرادانی بند مس۔ و دا بند متنگ سچ شش دے اسکان ہر جا کس۔ و لے مجال ء کہ الیکٹرانک میڈیا دا خبر ء نشر کرو س۔ کراچی مرے یا پنجاب اوقفا تو اسہ چکو ویل اسے نا خبر ہم بریکنگ نیوز جوڑ مرے۔ و لے الیکٹرانک میڈیا نا رویہ بلوچستان و بلوچستان نا مخلوق تون مانتہ غا تینا بار ء۔ کوئٹہ کراچی نا سڑک مرے یا کوئٹہ جیکب آباد نا سڑک، ہندن کوئٹہ ژوب انا سڑک نا ہیبت مرے ہم، دافنا ہر ارٹیکو دے آ شکست آک مرے، چندی خاہوت آک بھس مسنو۔ داڑے ہم میڈیا نا کڑدارنت اٹ بے انا کچ ہم اف۔ ہیبت بنا کرے حیات بلوچ نا شہادت آن، و ہراڑسکان سر مس۔ دانا سوب دادے کہ است ہٹنگ، ہراوخت کہ زن تینا مخلوق و تینا راج انا تون داظم و بیدادی تے خضہ۔ حیات بلوچ بیرہ تربت نا حیات الو، بلکن او سچ آ بلوچستان نا حیات کس۔ اسہ حیات نا واقعہ غا میڈیا نا چپی متنے، داکان مست چندی حیات آک ظلم و بیدادی تا گواچی مسنو۔ میڈیا نا اسہ چھیل والاں تو بلوچستان نا ورناتا ایرانی تیل ء گریزی کنگ ء خٹک، و لے بلوچستان نا ورناتا کس نا گواچی مس، تو اوڑے ہندا صحافی ہراگک ہنا؟ اونا باٹی منگ ء کہ چپ کرے۔

ہندا صحافی نا پروگرام ء سوشل میڈیا غا بلوچستان نا مخلوق بھاز پٹ و لعنت کرے۔ اتنے کہ نت تیان معذور اسہ ورناتا تینا گاڈی ٹیل ڈوہنگ ء، تو ہو پین نا صحافی ہمو معذور آ ورناتا پارے کہ نے شرم ہلک کہ نی تیل انا گریزی کیسہ۔ تو خواجہ! ہمو معذور آ ورناتا تیل انا گریزی کپ تو مسیت اسے نا مومن آ تو لے پنڈنگ ء بنا کے۔

دا بے جس آ میڈیا نا مخلوق ء تو بھاز زواں شکی متنگ نا پاپا کہ، و لے اونا جند اسٹل شکی متنگ چیرا سی اسکان کیشتری پنجاب والا تاء۔ نا مخلوق نا شخنت اٹ بے انا کچ ہم اف۔ دا حالت اٹ نا ورناتا بے روزگار ء تو اوکل ایرانی تیل انا کاروبار اتنے کپس۔ نوکری اوفتے اف، تیل انا کاروبار ء ہم بند کیرے تو اوکل دزی کیرے یا پنڈر؟ مخلوق نوکری کیک۔

اینو دنیا جہان نا بندغ آتھون تو اٹ بش آن بھاز بھلوگڑاں مزغ اٹ بس کہ دنیاٹی ہرا آ ویل و جبال آک اریر، دافنا روتہ غاک ہراکان پیشن مریرہ، و دا اسٹے چٹنگ نا پین ء ہلپسہ۔ تخمین اٹ دانا کل آن بھلا سوب تینا جند آن ارٹینگ یا تینا زچک ء ہر پنگ ء۔ اینو ہر بندغ ایلو ء شیف خلک و خطاوار

پاپک و لے تینے کس ہر پک کہ کنے آن ہرا کمتیک و ردیک آک مریرہ، اوفتے دیر ختم کیک؟ قسم ہمو پاک انگار ب انا کہ اگے اینو ہر بندغ تینا زچک آ نظر شاغوس و تینا ردیک آتے چٹوس تو داخس فریشانی و جبال ودی متوک۔ اینو بادشاہ غان ہلیس لس بندغ اس اسکان کل ایلو فتنے غلط پانگک نا ٹھیکہ ء ہر فینو، بادشاہ مسٹ انا بادشاہ تے شیف خلک، افسر ایلو افسر آتے، استاد شاگرد و شاگرد تینا نزوری و زوال نا سوب استاد ء پاپک، چناک لمہ باوہ ء ولہ باوہ چناتے شیف خلک، دن اسہ ہندن ء چا گڑاں جوڑ مسنے کہ ہراڑاں اسہ زراب اس دنیاٹی لگوک ء۔ پانگک نا مسخت دادے کہ ہر بندغ ایلو ء پاپک کہنی دا غلطی کریں کہ اینو ای یان دن جبال اٹ اخنہ مسن و فریشان مسن، ہر بندغ ایلو تھیاں گلدار ء، واسٹ ایلو آن است خواہی و مہر آتے کم کرسا ء، و لے کس انا ڈکھ و فریشانی مکتی ہنگ اخرا متنے؟

دا ہیبت ء ہم ہر بندغ پیہہ مرے کہ انسان آن خطا متنگ انسان تون ازل آن ارے و ہر بندغ خطا (ردیک) نا اسہ بت اسے، و لے خدا دوست آ انسان ہمو دے ہرا تینا ردیک ء متنے، و او دے ختم کنگ کن نت دو غلے، بھاز جوان پارینو کہ انسان اٹی ساہدارو فرشتہ ہر توم آتا خاصیت آک اریر کہ او ردیک ہم کنگ کیک و اوڑاں اتنے پیچنگ ہم۔ گڑاں اگے انسان ردیک تون سنگی کنڈیک و اسہ ساہدار اسے نا ورتینا ردیک آتھون زبہہ تدلیک یا تینا گناہ و خطا تینا نظر شاغک و اوفتے چٹنگ نا کوشت کیک، دا انسان نا جندنازی آتے کہ او فرشتہ نا ورتا اسہ پاک غزنداس

بلوچستان ہاؤس اسلام آباد اٹی افسر اس ڈیور و چیرا سی اسکان کیشتری پنجاب والا تاء۔ نا مخلوق نا شخنت اٹ بے انا کچ ہم اف۔ دا حالت اٹ نا ورناتا بے روزگار ء تو اوکل ایرانی تیل انا کاروبار اتنے کپس۔ نوکری اوفتے اف، تیل انا کاروبار ء ہم بند کیرے تو اوکل دزی کیرے یا پنڈر؟ مخلوق نوکری کیک۔

## ورنا گل

### اول تینا زچک

ہنا، گڑا ہندا ڈون حضرت موسیٰ علیہ السلام بس پارے دانیازی نا قصور ء کنے پاپو، کس ہیبت کتو، گڑا حضرت موسیٰ علیہ السلام پارے ٹھیک ء خلوتے۔ و لے شرت دادے کہ اولیکوخل ء ہمو بندغ خلک ہراڑاں سچ ء ردیک و خطا اس متنے۔ ہندا ہیبت انا جنگ



.....جعفر قمرانی

تو ہر بندغ خل تے شیف ہنسا تینا آراتا کڈا اراہی مس، اتنے کہ اوفتے خبر کس کہ ہر بندغ آن گناہ و کوتاہی متنگ کیک و کس پاک اف، دار کسہ غاتے ٹی نن کن بھاز بھلو سچ اریر کہ انسان ردیک آن خورک اف و لے تینا ردیک ء سنے و او دے پین وخت کپنگ نا نیت تھے۔

ایلو بندغ آتا ردیک آتے ڈنگ و رازدانی نا سوچ ودی مرے کہ تاکہ انسان آن اللہ ناراض مت کہ اللہ تون ہر بندغ ناراز آک اریر اگہ خدا رازدانی ء اے تو ہر بندغ خن نشان متنگ نا وڑاٹ مفرو، ہندا سوب آن پارہ کہ رازدانی اسہ خدائی ء صفت اسے، اگہ دا انسان نا زندات ودی مرے تو انسان عظیم ء ہستی اس جوڑ مرے۔ ہندا وڑاٹ تینا کروک آ گناہ تیان توبہ، پدی متنگ ہم بھاز جوان ء عمل اسے۔ گڑا انسان بایدے ایلو فتا کوتائی تے پاش کنگ یا ایلو فتا پچار ء کنگ آن مسٹ تینا زچک اٹ ہلے، ہرے، و تینے جوانی نا کڈ آ دے تو راج اٹی اسٹ اسٹ آپرا گندیک ختم مر سا کارہ۔

انشاء اللہ محرومی تا گواچی ء، اوقفا است خراب ء کہ اوفتے کن کس تو ارچست کپک۔ اٹ گڑا کن ہوغون، بلوچستان نا وسیلہ غاک تو سچ آ ملک انا ء، و لے بلوچستان نا ویل آک بیرہ بلوچستان نا شخ اٹی بسو۔ بلوچستان چاہے اونا ڈکھ و ڈو آک چارا اتنے کہ نئے کس اف، ننا کس اف۔

ایلیکٹرانک میڈیا بلوچستان نا مخلوق ء شیف خلنگ کن تو کل آن مونی ء، اوڑے تو او زو اس تینا توار ء بڑا کیک، و لے ہراوخت کہ بلوچستان تون زندانا ہر شخ اٹ بیدادی مرے تو اوڑے الیکٹرانک میڈیا ء خل ہلیک۔ ہندا سوب آن تو بلوچستان نا مخلوق احساس

## خرین آہیت آک

### وخت انا پابندی

..... ڈاکٹر سعید تبسم



نس۔ نئے جاگہ آلو۔ دیوال آدرنجوک بھلا گھڑی ہر اٹ اوڑے ہم نام جمع نماز نا سوا یک سجہ غاٹخوک نس۔ مولوی صاحب بھاز جہذباتی غاٹخوک نس۔

داکان مست ہر امسیت اٹ ای نماز خوانا اوڑے نام یک ونیم سجہ پک کروک نس، ولے مولوی صاحب وخت اس تقریر غمرن کر یک تودہ پانزدہ منٹ خوانخواہ مونی ہنا کہ۔ ہنداڑان آہستہ آہستہ مخلوق ہم عادت کرساچے لیٹ بسکہ۔ مدام مدام مرسا دا مسیت اٹی یک ونیم نا جماعت دو سجہ غامٹگ ء بنا کرے۔ ولے دیوال آ نام داسکان ہم یک ونیم نا پک کروک نس۔

پوسکن آمسیت اٹی مولوی صاحب تقریر ء چٹھے تو ای نام ء ہراٹ یک سجہ وپست مسٹ منے۔ ہراٹ نماز آسلیں تو خوک سجہ غامٹگ ء بنا کرے۔ ولے دیوال آ نام داسکان ہم یک ونیم نا پک کروک نس۔

ان امر ڈسپلن مریک؟ دا کنا چندا نا اسہ بھاز چٹکو ذاتی ء آزموندہ اسے کنار ہی انا ارامسیت ء۔ کئے دو سجہ غا نماز کوئی مس تو ای ہمو مسیت آ کاوہ ہراڑے دیوال آ یک ونیم سجہ نا نام لگوک ء۔ آگہ بھاز شتانی کریت تو ہموڑے نماز خوانوہ ہراڑے نماز یک ونیم آ مریک، ولے نام سوا یک سجہ پک کروک ء۔

☆☆☆☆☆

تینا بے واکی نا دو تیان جمع نماز ء ہر وخت کوشٹ کیوہ ہمو مسیت اٹی خوانوہ ہراڑے جمع نماز کل آن مست مریک۔

حفیظ کنا ہمسائے اسے، ہرا کہ ایرانی تیل تینا دکان اٹ بھا یک۔ اسدے اس جمع نادے ای اسہ معاملہ اسے اٹی اوڑتوں ہیبت کرساٹ، ای پاریت ”کئے نماز آہرے تمنگ ء۔“ او پارے ”مجھے مون آپوسکن ء مسیت اس جوڑ منے، ہراڑے سوا یک سجہ غا نماز مریک۔“ ای بھاز خوش مسٹ کہ دا تو کل آن مست ء۔ برکہ ایو ہنداڑے نماز خوانوئی ء۔ منہ منٹ آن پدای و حفیظ بھلو بھلو گام ہرفسا مسیت آہنا نئے کہ یک سجہ غا منہ منٹ ہناس۔ ایڑے سر مسن ماشاء اللہ نئے آبار ء بے واک پاس یا اشٹاف کار پاس، بندغ آ تیان مسیت پر

رجیم ویدن خلق شار اٹ بندغی اس دو برے ایلی کن ایلی اس دو برے حسین شہزاد نئے ہر دور اٹی رفینس سنگت ننا تاریخ ء نی چپی کرینس عادل محمود کردار ء بن گوباک غازی ارین گفتار انا سودا نک ن منٹ اٹی ہر دے انا اخبار انا صلاح الدین شہزاد

است ہو غنگ ء ننا دا کہہ غا ہیبت نکانے مفاد و پیبہ غا ہدایت فدا ہنوک آتے پٹن بروک آتا رنداٹ اسل کوک کپن کہوک آتا رد اٹ امجد بلوچ

گمان پین ء تران پین ء تران اٹی نازبان پین ء سرور مہر زہ اس سیبور سینکو است ء نا دا دوستی ٹی کنا ساہ غنٹ مہر اس نے آن زندگی ٹی منیر آفاق

نماد ڈ ء کسر تن گڑا است ء خبر تن ☆☆☆☆☆

ء کچاری اڈ ترسا زبان و ادب نا تالانی کن ہرا زمواری تے کوپہ غا تیا تنخانے، خدا نا فضل اٹ دا تنظیم ناکل سنگت آک زبان و ادب نا شوندری کن سدائی مخ ء تفسا خدمت کرسا کیرہ۔ او پارے کہ ایو نا دا مشاعرہ پنی آ شاعر ادیب ملک فیاض علی بلوچ نا شرف مندی ٹی اڈ تنگانے، ہرا ن کن اسہ بختاوری اسے آن کم اف۔ او پارے کہ ملک فیاض علی بلوچ نا ادب کن کروک آ خدمت آک بھاز شرف کڑزہ۔ اٹنئے کہ ملک صاحب سدائی ادب نا پڑ آ اسہ گچین ء جوڑہ اسے ٹی خدمت کرینے۔

عبداللہ جوہر کچاری ٹی ساڑی سنگت آتا منت ء ہر نے داڑتوں اور علم و ادب نا پڑ آزیات گچینی اٹ ادبی کڑدار ادا کنگ نا گرج آ تیا تینا خیال آتا درشانی ء کرسا پارے کہ زبان و ادب کن خدمت راج انا راہشونی کن شاعر ادیب آتا خدمت آک اسہ گچین ء کاریم اس تلکگرہ۔ او پارے کہ علم و ادب نا تالانی اٹ راج انا بندغ آ تیبی زیات شوندری و گچینی ہم ودی مریک۔

رجیم ناز ہر ہیبت ء نی با انا تینا کشف خلاصہ نا ہیبت زمانہ نا ترازو ٹی خوک ء ملک فیاض علی بلوچ اردو کلام اس نئے فتح محمد شاد

کر زوشٹی دا کو سوک ہر پلو آ انا نفوک حمید عزیز آبادی گل و بال اٹے زیا ڈ غار چکلیں بلوچانی توار عبداللہ جوہر

سرور ساژ آن تمانے نخرہ و ناز آن تمانے سعید احسان نئے وخت ملا نئے یات کیرے نماست کشانے یات کیرے عطاء اعجم

نت شپا و آے کنا دھرتی ناٹل لئراس کرنی کنا داخن تے پین ملک ریاض علی بلوچ نئے بھاز منے سفان سنگت مفبو داخم ننادان سنگت نذیر حسرت نی غور اٹ ہر س تو ہر جاگہ دنیائی خاخر لگوک ء لمبہ و زراب ء صحرائی دریا ب اٹی خاخر لگوک ء

## حوال

### دے ٹک ادبی دیوان مستونگ نا کنڈ آن ملک فیاض علی بلوچ نا شرف مندی ٹی مشاعرہ

..... بہاول نسیم بنگلزی

آتون ہروڑا نا کمکاری کن تیار اٹ۔ کئے بھاز خوشی منے کہ دے ٹک ادبی دیوان نا سنگت آک اسہ پوسکن ء جوڑہ اسے ٹی ادب نا پڑ آ گچینی اٹ خدمت کنگ ء۔ دا وخت آ آماج ادبی دیوان نا جنرل سیکرٹری گچین آ شاعر ادیب محمد رحیم ناز تینا تران اٹی پارے کہ کئے بھاز خوشی مس کہ دے ٹک ادبی دیوان نا سنگت آک دا گچین آ کچاری ء اڈ ترسا نئے شرف بخشار۔ او پارے کہ ای دعا کیوہ کہ خدا تعالیٰ دے ٹک ادبی دیوان نا سنگت آتے زبان و ادب کن گچین وڑ اٹ خدمت کنگ نا توفیق آیتے۔ او پارے کہ شاعر ادیب نا کاریم ہم ہندا دے کہ او است انا ہب اٹ زبان و ادب نا شوندری و تالانی کن مخ ء تفسا خدمت کرسا کہ۔

عبدالحمیات منصور تینا تران اٹی دے ٹک ادبی دیوان نا ادبی خدمت آتا ستا ء کرسا پارے کہ دے ٹک ادبی دیوان نا سنگت آک اسہ گچین ء وڑا سے ٹی علم و ادب نا پڑ آ ادبی خدمت آتا بنا ء کرینو۔ او پارے کہ ملک فیاض علی بلوچ نا شرف مندی ٹی دا کچاری نا اڈ تنگ ادب نا پڑ آ اسہ بھلو گام اسے۔ اٹنئے کہ تینا سینئر آ شاعر ادیب خواجہ غاتا عزت و شرف و اوقا علم و لاجھی تیان فائدہ ہر فنگ اسہ گچین ء جوڑہ و خواری اسے نا درشانی ہم ارے۔ او پارے کہ شاعر ادیب دانشور راج انا اسہ زموار ء ٹولی اس ہم ارے، ن دعا کیوہ کہ دے ٹک ادبی دیوان سدائی سر سہی نامزل آتے دوئی کے۔ براہوئی و اردو نا گچین آ شاعر و ادیب ملک ریاض علی بلوچ تینا تران اٹی پارے کہ علم و ادب نا شوندری کن کاریم کنگ و زبان و ادب نا درستی راستی ہم دن اٹنگ مجلس آتا اڈ تنگ آن زیات مستی کا ہک۔ او پارے کہ دا ادبی کچاری ء اڈ تنگ آدے ٹک ادبی دیوان نا سنگت آتے مبارکبادی ایتوہ۔

گدر بنگلک آدے دے ٹک ادبی دیوان مستونگ نا کنڈ آن پنی آ شاعر، ادیب، دانشور، صحافی، آماج ادبی کاروان مستونگ نا چیئر مین خواجہ ملک فیاض علی بلوچ نا شرف مندی ٹی اسہ مشاعرہ اس اڈ تنگ۔ دا کچاری ٹی مستونگ نا شاعر ادیب آ تیان بیدس ایلو ادب دوست خواجہ غاتا ہم اسہ بھلو گوشت اس ساڑی نس۔

مشاعرہ نا خاص اٹنگ مہمان ملک فیاض علی بلوچ نس۔ ہندن کچاری نا کماشی ء دے ٹک ادبی دیوان مستونگ نا صدر ہدایت فدا کرے۔ اعزازی مہمان رجیم ناز، عبدالحمیات منصور، عبدالحمید محمد شہی، حمید عزیز آبادی، ملک ریاض علی بلوچ اسک نسر۔ مشاعرہ نا بنا خدا تعالیٰ نا پین اٹ کنڈنگ، شوکارا نا دو آتے دے ٹک ادبی دیوان نا نائب صدر عبداللہ جوہر سرتس۔

مشاعرہ غا ن تران کرسا خاص اٹنگ مہمان ملک فیاض علی بلوچ پارے کہ دے ٹک ادبی دیوان مستونگ نا سنگت آتا بھاز منتور اٹ کہ اوک کنا شرف مندی ٹی دا کچاری ء اڈ ترسا کئے زیات شرف بخشار۔ او پارے کہ دے ٹک ادبی دیوان نا بنداد ء تنگ تون دا تنظیم نا سنگت آک بھاز ترندی اٹ مخ تھی اٹ علم و ادب نا پڑ آ گچین ء کڑدار ادا کنگ نا بنا ء کریر۔ او پارے کہ ننا ورن شاعر ادیب خواجہ غاتے خدا تعالیٰ بھاز لاجھی تنے۔ داسہ اوک تینا علم و قلم نا مک اٹ زبان و ادب کن پین زیات خواری کرسا ادب نا دناہال ء خرن کنگ کن خدمت کرسا کیر۔ او پارے کہ شاعر ادیب دانشور تینا علم و کمال اٹ تینا راج انا راہشونی کن جوان ء کڑدار ادا کنگ

یک۔ او پارے کہ آماج ادبی کاروان نا کنڈ آن دے ٹک ادبی دیوان نا سنگت

